

22
11. febr.

Vik, nýbýli í landi Hlaðhamra í Mosfellshreppi, Kjósarsýslu.
Setberg II, nýbýli í landi Setbergs í Nesjahreppi í Austur-Skaftafellssýslu.
Bjarnarfell, nýbýli í landi Austurhlíðar í Biskupstungnahreppi, Árnessýslu.
Nónbjarg, nýbýli í landi Geirastaða í Skútustaðahreppi, S.-Þingeyjarsýslu.
Kvístás, nýbýli í landi Laufáss í Kelduneshreppi, Norður-Þingeyjarsýslu.
Árbakki, nýbýli í landi Gilsbakka í Hrafnagilshreppi, Eyjafjarðarsýslu.
Steinstaðir II, nýbýli í landi eyðibýlisins Steinstaða II og hluta úr Efstalandskoti í Öxnadalshreppi, Eyjafjarðarsýslu.

Í menntamálaráðuneytinu, 11. febrúar 1957.

F. h. r.

Birgir Thorlacius.

Sigurður J. Briem.

23
14. febr.

AUGLÝSING

um fyrirmynd að samþykktum fyrir héraðssamlög.

Samkvæmt IV. kafla laga nr. 24 29. marz 1956, um almannatryggingar, hefur ráðuneytið fallið á fyrirmynd að samþykktum fyrir héraðssamlög, sem Tryggingastofnun ríkisins hefur látið gera, og er prentuð sem fylgiskjal.

Félagsmálaráðuneytið, 14. febrúar 1957.

F. h. r.

Hjálmar Vilhjálmsson.

Gunnlaugur Þórðarson.

Fylgiskjal.

HÉRAÐSSAMLÖG

Samþykkt fyrir Héraðssamlagsýslu.

1. gr.

Samlagið heitir Héraðssamlagsýslu.

Starfssvæði þess ersýsla.

Heimili þess og varnarþing er í

2. gr.

Öll sjúkrasamlög innansýslu eru þáttakendur í héraðssamlaginu.

3. gr.

Stjórn héraðssamlagsins skal skipuð þrem mönnum. Oddviti sýslunefndar er formaður stjórnarinnar, en sýslunefnd kýs tvo menn og tvo til vara.

Kjörtímabil hinna kjörnu stjórnarmanna er 4 ár, og skulu þeir kosnir að loknum almennum sveitarstjórnarkosningum.

Sýslunefnd ákveður þóknun stjórnarmanna, og greiðist hún úr héraðssamlags-sjóði.

4. gr.

23

Stjórninni ber skylda til að sjá um að héraðssamlagið starfi í samræmi við lög og reglugerðir og samþykkt þessa.

14. febr.

Héraðssamlagið lýtur yfirstjórn Tryggingastofnunar ríkisins.

5. gr.

Stjórnin heldur fundi, þegar þörf krefur. Skal formaður ætíð boða fund ef meiri hluti stjórnarmanna æskir þess.

Nú forfallast aðalmaður í stjórn héraðssamlagsins og skal þá kveðja varamann til. Formaður stjórnar fundum. Haldin skal gerðabók og í hana skráðar ályktanir stjórnarinnar.

Við atkvæðagreiðslur ræður atkvæðamagn, en séu atkvæði jöfn, ræður atkvæði formanns.

Verði ágreiningur innan stjórnarinnar, getur hver stjórnarmaður skotið honum til Tryggingastofnunar ríkisins.

Sama rétt hefur hvert sjúkrasamlag, sem þátttakandi er í héraðssamlaginu, svo og hver samlagsmaður þess, er ágreiningurinn varðar.

6. gr.

Fé héraðssamlagsins skal ávaxta í banka eða sparisjóði.

7. gr.

Reikningsár héraðssamlagsins er almanaksárið. Ársreikningar þess skulu endurskoðaðir af endurskoðendum sýslusjóðsreikninga.

8. gr.

Framlag ríkissjóðs og lífeyrisdeildar til sjúkrasamlaganna á héraðssamlagssvæðinu greiðir Tryggingastofnun ríkisins til héraðssamlagsins.

Það greiðir hverju sjúkrasamlagi sinn hluta framlaganna að frádregnum sjúkradagpeningum, stjórnarkostnaði og því fé, sem ákveðið kann að hafa verið til jöfnunar. Kostnaður héraðssamlagsins skiptist á milli sjúkrasamlaganna í hlutfalli við framlag ríkissjóðs til þeirra.

9. gr.

Formaður héraðssamlagsstjórnar greiðir samlagsmönnum í sjúkrasamlögum innan sýslunnar sjúkradagpeninga samkvæmt úrskurðum sjúkrasamlagsstjórna endurskoðuðum af héraðssamlagsstjórn eða stjórnarformanni í umboði hennar. Fjárhæðir þessar greiðir formaður af fé Tryggingastofnunar ríkisins, sem hann hefur undir höndum, en fær þær síðan endurgreiddar af framlögum ríkissjóðs og lífeyrisdeildar Tryggingastofnunarinnar til hlutaðeigandi sjúkrasamlaga.

Héraðssamlagsstjórn getur ákveðið, að í úrskurði samlagsstjórnar skuli aðeins tilgreint tímabil það, er sjúkradagpeningagreiðsla miðast við, og ákveður hún þá fjárhæðir þær, sem greiða skal.

10. gr.

Hafi ráðherra samkvæmt tillögum Tryggingastofnunar ríkisins ákveðið með reglugerð að fengnu samþykki héraðssamlagsstjórnar, að jafna skuli sjúkrakostnaði sjúkrasamlaga innan sýslunnar, skal héraðssamlagsstjórnin annast jöfnun þessa.

Að jöfnun lokinni skal héraðssamlagsstjórnin greiða sjúkrasamlögunum það, sem þeim ber að fá af jöfnunarfé, sbr. 4. mgr. 49. gr. almannatryggingalaganna.

23

11. gr.

14. febr.

Sjúkrasamlagsstjórnir skulu senda héraðssamlagsstjórn endurskoðaða reikninga sjúkrasamlaganna fyrir marzlok ár hvert, nema stjórn héraðssamlagsins ákveði að reikningum skuli fyrir skilað. Reikningana skal héraðssamlagsstjórnin yfirlíta og endurskoða eftir því, sem hún telur þörf á.

Ef héraðssamlagsstjórnin telur reikning samlags eigi réttan eða ranglega færðan, getur hún sett samlagsstjórn ákveðinn frest til að koma honum í rétt horf. Fáist eigi slík leiðrétting eða ef reikningurinn auðsýnilega er í meginatriðum rangur, getur héraðssamlagsstjórn ráðið sérstakan reikningsfróðan mann til þess, á kostnað sjúkrasamlagsins, að endurskoða reikninginn og gera hann að nýju, ef með þarf.

Þegar héraðssamlagsstjórn hefur yfirfarið og athugað reikninga samlaganna, skal hún gera ársskýrslu um rekstur þeirra og efnahag í því formi, sem Tryggingastofnun ríkisins ákveður. Ársskýrslu þessa ásamt reikningum sjúkrasamlaganna skal senda Tryggingastofnun ríkisins fyrir lok maímánaðar.

12. gr.

Þegar sjúkrasamlagsstjórnir skjóta einstökum málum til úrskurðar Tryggingastofnunar ríkisins og hún óskar umsagnar héraðssamlagsstjórnar um þau mál, er héraðssamlagsstjórn skyldug að láta þá umsögn í té.

13. gr.

Héraðssamlagsstjórn skal skylt að vera Tryggingastofnun ríkisins til aðstoðar og leiðbeiningar varðandi tryggingamál almennt í umdæminu.

14. gr.

Hafi öll sjúkrasamlög innan sýslunnar sameinast í eitt sjúkrasamlag, sbr. 3. mgr. 44. gr. almannatryggingalaganna, hættir héraðssamlagið störfum og skiptast þá sjóðseignir þess milli þátttakenda í hlutfalli við fjölda samlagsmanna.

24

AUGLÝSING

14. febr.

um fyrirmynd að samþykktum fyrir sjúkrasamlög í kaupstöðum.

Samkvæmt IV. kafla laga nr. 24 29. marz 1956, um almannatryggingar, hefur ráðuneytið fallizt á fyrirmynd að samþykktum fyrir sjúkrasamlög í kaupstöðum, sem Tryggingastofnun ríkisins hefur látið gera, og prentað er sem fylgiskjal.

Félagsmálaráðuneytið, 14. febrúar 1957.

F. h. r.

Hjálmar Vilhjálmsson.

Gunnlaugur Þórðarson.